

Šefik Čimpo, profesor historije - Magistarski rad

Fakultet/Akademija	FILOZOFSKI FAKULTET
Tip Rada	Magistarski rad
Kandidat, zvanje	Šefik Čimpo, profesor historije
Naziv Teme	Privredne prilike fočanskog kraja u periodu etatizma
Rezime/Abstract	<p>Privrednim prilikama u poslijeratnom razvoju Bosne i Hercegovine, za razliku od političke i historije KPJ-SKJ, nije pridavano dovoljno pažnje i značaja. Čak se i u objavljenim radovima sa ovom tematikom privredne prilike fočanskog kraja, kao sastavnog dijela Bosne i Hercegovine nedovoljno i usputno spominju. Ovaj rad ima za cilj da taj nedostatak iole ublaži, jer je nastao na bazi historijskih izvora prvog reda, relevantne literature, novina, službenih statistika i drugih izvora, koji pružaju podatke o privrednim prilikama ovog dijela bosanskohercegovačke teritorije. U radu je najviše prostora dato periodu od 1945. do 1953. godine, a osnovna karakteristika navedenog perioda bio je etatistički koncept upravljanja privredom. U radu su, prema našem mišljenju, dati relevantni podaci o svim značajnim događajima i procesima, koji su imali presudnu ulogu na istraživačko pitanje. Rad je podijeljen u pet poglavlja, koji su međusobno povezani i na taj način čine jednu cjelinu. U prvom poglavlju, kroz opće napomene je ukazano na izvore i literaturu, te rezultate dosadašnjeg istraživanja. Pored toga saopšteni su predmet, cilj, zadaci, generalna i pomoćna hipoteza, te metode, tehnike i postupke istraživanja, a na kraju poglavlja društveni značaj teme. U drugom poglavlju je predstavljen opći i socijalni razvoj, sa naglaskom na sljedeća pitanja: administrativno-teritorijalni okvir, organizaciju i funkcioniranje narodne vlasti, osnovne karakteristika društva u fočanskom kraju poslije završetka Drugog svjetskog rata i period obnove i izgradnje. U trećem poglavlju su obrađene pretpostavke za razvoj privrede i faktori koji su, prema našem mišljenju, imali utjecaja na njen razvoj. Tom prilikom su razmatrane geografsko-historijske odlike fočanskog kraja kao pretpostavke za razvoj privrede, te stanje i izgradnja putne mreže. Značajna pažnja je posvećena i političkim pitanjima: utjecaj sukoba KPJ i Informbiroa na privredna kretanja, te procesu nacionalizacije i deagrarizacije u fočanskom kraju. U četvrtom poglavlju pratimo industrijalizaciju i razvoj privrednih djelatnosti, sa težištem na pitanjima, koja su prema našem mišljenju, bila u neposrednoj vezi sa razvojem privrede. To se u prvom redu odnosi na pitanja koja su u neposrednoj vezi sa radnom snagom (problemi planskog uključivanja radne snage, fluktuacija radne snage, uvjeti rada, smještaja i „agitprop“ kulturu). Osim toga, u ovom poglavlju govorimo o zastupljenosti industrije po granama, istovremeno ukazujući na njihove probleme i načine na koji su rješavani. U posljednjem poglavlju donosimo zaključna razmatranja i sumiramo osnovne rezultate do kojih smo došli putem istraživanja. Ukazujemo na ulogu privredne djelatnosti fočanskog kraja u privrednim tokovima Bosne i Hercegovine. Na kraju donosimo popis izvora i literature na kojima se rad temelji.</p>
Datum	23.10.2013
Predsjednik	Dr. sc. Adnan Jahić, vanredni profesor, izabran na užu naučnu oblast „Savremeno doba“
Mentor	Dr. sc. Sead Selimović, vanredni profesor, izabran na užu naučnu oblast „Savremeno doba“
Član komisije	Dr. sc. Izet Šabotić, docent, izabran na užu naučnu oblast „Novi vijek“
Član komisije	-
Član komisije	-
Zamjenski član	dr. sc. Bego Omerčević, vanredni profesor izabran za užu naučnu oblast „Stari vijek“
Dodatni detalji i lokacija	23.10.2013. godine u 11:00 sati u Amfiteatru I Filozofskog fakulteta u Tuzli
Završne Odredbe	Pristup javnosti je slobodan. Magistarski rad se može pogledati u Sekretarijatu Filozofskog fakulteta Univerziteta u Tuzli radnim danom od 08 do 14 sati.